

齊著作魏牧

達_音具惟_反詢息句綏_{玄伴}綽_{昌約}覲_{居異}道
崇邃_{下私遂反}呑噬_{下音逝}屢_{力句}
也_反姜斌_{上音蓋}融覺_{上余音過}謬乎_{弓反}管窺_{下音過}
也_反布巾_{如管中}必藉_{下才}耆龜_{上音過}管窺_{下音過}
也_反天所見極少也_反夜_反少也_反上音過_反管窺_{下音過}
曰茲_{天所見極少也}定_纖蠻_{盧官}也_{著日}也_{著日}

十四末

典一

大人有作司牧生民結繩以往書契所絕羲
軒已還至於三代墳典之述爲秦所焚漢採
遺籍復若山丘固使六家十略班馬區異釋
氏之學聞於前漢武帝元狩中霍去病獲琨
琊王及金人率長丈餘帝以爲天神列於甘
泉宮燒香禮拜此則佛道流通之漸也及關
西域遣張騫使大夏還云身毒天竺國有浮
圖之教哀帝元壽中景憲受大月氏王口授
浮圖經

後漢明帝夢金人頃有日光飛行殿庭傅毅
始以佛對帝遣郎中蔡愔博士秦景等使於
天竺寫浮圖遺範仍與沙門迦攝摩騰竺法
蘭還雒陽又得經四十二章及釋迦立像帝
令畫工圖之置清涼臺及顯節陵上緘經於
蘭臺石室浮圖或言佛陀聲相轉也譯云淨
覺言滅纖成明道爲聖悟也

凡其經旨大抵言生生之類皆因行業而起

廣弘明集卷第一

典二

唐終南山釋氏

歸正篇第一之二

元魏書釋老志 齊著作魏牧

高齊書述佛志

隋著作王邵

魏書釋老志八

有過去當今未來歷三世識神常不滅也凡爲善惡必有報應漸積勝業陶冶麤鄙經無數形潔練神明乃致無生而得佛道也其間階次心行等級非一皆緣淺以至深藉微而爲著率在於積仁順觸嗜慾習虛靜而成通照也故其始修心則依佛法僧謂之三歸若君子之三畏也又有五戒去殺盜婬妄言飲酒大意與仁義禮信智同云奉持之則生天勝處虧犯則墮鬼畜諸苦又善惡生處凡有六道焉

諸服其道者則剃落鬚髮釋累辭家結師資遵律度相與和居治心修淨行乞以自給謂之沙門或曰桑門亦聲相近也其根業各差謂之三乘聲聞緣覺及以大乘取其可乘運以至道爲名也上根者修六度進万行極度億流彌歷長遠登覺境而号爲佛也

本師釋迦文此譯能仁謂德充道備戡濟万物也降於天竺迦維羅衛國王之子生於四

典二

月八日夜從母右脇而出姿相超異者二種天降嘉瑞亦三十二而應之以二月十五日而入涅槃此云滅度或言常樂我淨明無遷謝及諸苦累也又云諸佛有二義一者真實謂至極之體妙絕拘累不得以方處期不可以形量限有感斯應體常湛然二權應者謂和光六道同塵万類生滅隨時脩短應物形由感生體非實有權形雖謝真體不遷但時無妙感故莫得常見耳斯則明佛生非實生滅非實滅也佛既謝往香木焚屍靈骨分碎大小如粒擊之不壞焚亦不焦而有光明神驗謂之舍利弟子收奉竭香華致敬慕建宮宇謂之爲塔猶宗廟也故時稱爲塔廟者是矣於後百年有王阿育者以神力分佛舍利役諸鬼神造八万四千塔布於世界皆同日而就今雒陽彭城姑臧臨淄皆有阿育王寺蓋承其遺迹焉而影迹爪齒留於天竺中途來往者咸言見之初說教法後皆著錄

綜覈深致無所漏失故三藏十二部經如九流之異統其大歸終以三乘爲本後有羅漢菩薩相繼著論贊明經義以破外道皆傍諸藏部大義假立外問而以內法釋之傳於中國漸流廣矣漢初沙門皆衣赤希後乃易以雜色至於微言隱義未之詳究有沙門常山

六二

三

衛道安性識聰敏日誦萬餘言研求幽旨慨無師匠獨坐靜室十有二年覃思構精神悟妙蹟以前出經多有舛駁乃正其乘謬介後沙門傳法大著中原

魏先王建國出於玄朔風俗淳一與西域殊絕故浮圖聲教未之得聞及神元與魏晉通聘文帝在洛陽昭成在襄國備究南夏佛法之事太祖平中山經郡國見沙門皆致敬禁軍旅無有所犯有沙門僧朗與其徒隱于泰山帝致書以繒素禮鉢錫爲禮今猶号朗公谷焉

天興元年下詔曰夫佛法之興其來遠矣濟

益之功冥及存沒神蹤遺法信可依憑其勅有司於京城建飾容範修整宮舍令信向之徒有所居止是歲作五級佛圖耆闍崛山及須彌山殿加以繪飾別構講堂禪房及沙門座莫不嚴具焉

太宗踐位亦遵先業京邑四方建立圖像仍

令沙門數導民俗皇始中趙郡沙門法果戒行精至開演法籍太祖詔徵以爲沙門爲統綱攝僧徒言多允愜供施甚厚太宗崇敬弥加於前永興中前後授以輔國宜城子忠信侯安城公之号皆固辭帝常親幸其居以門狹小不容輿輦更廣大之年八十餘大常中卒帝三臨其喪追贈老壽將軍趙胡靈公初果年四十始爲沙門有子曰猛詔令襲果所加爵云云所述沙門等文多不載也

世祖燾即位亦遵太祖太宗之業每引高德沙門與共談論四月八日與諸佛像行於廣衢帝親御門樓臨觀散華以致禮敬

世祖平赫連昌得沙門惠始本張氏清河人聞羅什出經詣長安見之觀習禪定於白渠比畫則入城聽講久還處靜三輔有識者多宗之劉裕滅姚泓留子義真鎮長安真及僚佐皆敬重焉後義真之去長安也赫連屈且追敗之道俗少長咸見坑戮惠始身被白刃

典二

四

而體不傷屈且大怒召始於前以所佩寶劍自擊之又不能害乃懼而謝罪後至京都多所訓導人莫測其迹世祖重之每加禮敬自初習禪至於沒卅五十餘年未嘗寢卧跣行泥塵初不汚足色踰鮮白卅号曰白脚阿練自知終期齋潔端坐僧徒滿側凝泊而絕停

典二

五

人所寄藏物蓋以万計帝先忿沙門非法浩時從行因進其說下詔誅長安沙門焚破佛像勑留臺下四方一依長安行事又詔曰彼沙門者假西戎虛誕妄生妖孽非所以齊一政化布淳德於天下也自王公已下有私養沙門者皆送過期不出沙門身死容者誅一

屍十日容色如一死十餘年開殯改葬初不傾壞舉世異之送葬者六千餘人莫不感慟中書監高允爲傳頌其德述家上立石精舍圖像存焉

世祖雅好莊老諷味晨夕而富於春秋銳志武功雖歸宗佛法敬重沙門而未覽經教深

門時恭宗爲太子監國素敬佛道頴表陳刑殺之濫又非圖像之罪再三帝不許乃下詔曰昔後漢荒君信惑邪偽妄假睡夢信胡娛鬼以亂天常自古九州無此也誇誕大言不本人情叔季之世間君亂主莫不眩焉由是政教不行禮義大壞鬼道熾盛視王者之法

義如也自此已來繼代禍亂天罰亟行生民
死盡五服之內鞠爲丘墟千里蕭條不見人
跡皆由於此朕承天緒屬當窮運之弊欲除
僞定真復犧農之政其一切蕩除胡神滅其
蹤迹庶無譖於風氏矣自今已後敢有事胡
神及造其形像泥人銅人者門誅雖言胡神

問今胡人若有若無皆是前代漢人無賴子
弟劉元真呂伯強之徒接乞胡之誕言用老
莊之虛假附而益之皆非真實至使王法廢
而不行蓋大姦之魁也世有非常之人能行
非常之事非朕孰能去此歷代之僞物有司
宣告在所諸有佛圖形像及胡經皆擊破焚
除沙門無論少長悉坑之是歲真君七年三
月也恭宗言雖不用然猶緩宣詔書遠近預
知各得爲計京邑四方沙門多匿而免者
其金銀寶像經論大得秘藏至於土木寺塔
聲教所及皆畢除毀

集論者曰帝本戎馬之鄉素絕文義之迹既

參軍事所往誅殄唯斯爲政餘無涉言故殺
史官耻述過也屬崔浩密構莫識僞辯遂行
誅除時以爲一代之快意也不久癟及追悔
者無由視崔浩若仇讐淫刑酷毒爲天下同
笑也初浩與寇謙同徒苦與浩爭浩不從謙
曰卿今促年受戮滅門戶矣至貞君十一年
浩誅備五刑時年七十帝頗悔之然事已行
難中修復恭宗潛欲興之未敢言也時法今
寬施存信之家奉事沙門竊法服講誦者殷
矣至十三年二月因癟而崩子晃謙死而孫
立焉檢別傳浩非毀佛法宗尚天師寇謙之
學仙道也妻郭氏敬信釋典誦金剛般若經

典一

六

浩取焚之捐灰於廁及幽執檻車送于城南
使衛士十人行洩其上呼聲噭噭聞于行路
浩曰斯吾投經之現報也初浩得肆其僞誅
夷釋門深文加謗昌言下詔以爲妖鬼之大
魁也帝未委之可謂非常之人能行非常之
事信矣浩門旣誅清河崔氏無遠近及范陽

盧氏太原郭氏河東柳氏皆浩之親姻也盡夷其族詩云讒人罔極交亂四國驗矣

集論者曰自古三公之加刑者斯最酷也豈非恨其飾詐邪僂濫毒仁祠致癟及躬無由自免顯戮謾構密悔前愆克已復禮固難則矣不自責於閭惑方乃作虐尤人終非靜過

畢爲蠱脣者所及昔龍逢之遭夏桀比干之剖殷辛立炮烙以樹嚴刑設酒池以悅臣妾時人豈謂爲正化也縱而飾非褒而唱善及後南巢被放白旗懸首無有代者身自當之國除身喪無所追收禍不旋踵自貽伊戚降斯已後代代率然禪讓之道魏文開其實錄

叢於終古堯舜其猶病諸故佛經曰二儀尚殞國有何常斯至言也世祖若能撫躬反間本錄幽都禮義之所不行慈濟由來莫識不知昔秉何業奄有中原如何恣此昏凶行惑傲虐事不可也用此自勵追悔絕乎
時有沙門玄高者空門之秀傑也通靈感衆

道王河西涼平東歸太武信重爲太子晃之師也晃孝敬自天崇仰佛法崔冠得倅於帝恐晃攝政或見危遂密讒於帝謂有異圖其祖父執劍怒曰太子仁孝忠誠允著如何信讒帝寤集朝臣以述之諸雄伯曰太子無事枉見幽辱又帝信之以真君五年正月下詔曰朕承祖宗重光之緒思闡鴻業恢隆万代武功雖昭而文教未暢非所以崇太平之治也今域內安逸百姓富昌宜從制度爲万世之法夫陰陽有往復四時有代序授子任賢安全相付所以休息疲勞式固長久古今不易之令典也可令皇太子副理万機總統百揆更舉賢良以備列職擇人授任而黜陟之其朝士庶民皆稱臣於太子云崔浩又譖云太子前事實有謀心但結高公道術故令先帝降夢如此勿論事迹難明若不早除必爲巨害帝又納之即幽太子死之又收高於

平城南縊之即宋元嘉二十一年也余夜門人莫知其死忽有光明繞塔入房有聲曰吾已逝矣弟子等崩赴屍所請告遺誄高鑒然起坐曰大法應化隨緣盛衰盛衰在述理恒湛然但念汝等不父復當如我耳汝等死後法當復興善自修心無令後悔言已便卧而絕崔浩讒辭既深能令父猜其子乃至幽死況沙門乎

太武以真君十三年二月五日崩太子先已幽死吳王以九日即位改元永平十月一日吳王又崩帝孫諱濬即位改元興安是為文成帝也廟號高宗然佛教遠大光明四海此

洲萬國無王不奉北魏雖除南宋彌盛稱為真君明主不亦惑乎猜子而信賊臣孰可悼乎感痛而自嬰禍斯酷甚乎民思反政存立非一興安元年高宗踐極下

詔曰夫為帝王者必極奉明靈顯彰仁道其能惠著生民濟益羣品者雖存往古猶序其

典二

八

風列是以春秋嘉崇明之禮祭典載功施之族況釋教如來功濟大千惠流塵境尋生死者歎其達觀覽文義者貴其妙門助王政之禁律益仁智之善性排機羣邪開演正覺故前代已來莫不崇尚亦我國家常所尊事也世祖太武皇帝開廣邊荒德澤遐被沙門道士善行純誠如惠始之倫無遠不至風義相感往往如林夫山海之深怪物多有姦淫之僻得容假託諸寺之中致有凶黨是以先朝因其瑕疏戮其有罪有司失旨一切禁斷景穆皇帝每為慨然值軍國多事未遑修復朕承鴻緒君臨万邦思述先志以隆斯道今制諸州城郡縣於衆居之所各聽建佛圖一區任其財用不制會限其有好樂道法欲為沙門不問長幼出於良家性行素篤鄉里所明者聽出家率大州五十人小州三十人足以化惡就善播揚道教也於即天下承風朝不及夕往時所毀圖寺並還修復佛像經論皆

得顯出于時罽賓王種沙門師賢者東遊涼城又遊京下值罷佛法權假醫術而守道不改於修復日即爲沙門同輩五人帝親爲下髮賢爲僧統云云

興光元年勅有司於五級大寺爲太祖已下五帝鑄釋迦文像五軀各長一丈六尺用

典二
九

赤金二十五萬斤沙門曇曜帝禮爲師請帝於京西武州西山石壁開窟五所鐫佛像各一高者七十尺次六十尺彌飾奇偉冠於万代今時見者傳云谷深三十里東爲僧寺名曰靈巖西頭尼寺各鑿石爲龕容千人已還者相次於北石崖中七里極高峻佛龕相連餘處時有斷續佛像數量孰測其計有一道人年八十禮像爲業一像一拜至于中龕而死尸僵伏地以石封之今見存焉莫測時代在朔州東三百里恒安鎮西二十餘里往往來者述之誠不可思議之福事也皇興元年高祖孝孝誕載於恒安北臺起永寧寺七級佛

圖高三百餘尺基架博敞爲天下第一又於天宮寺造釋迦文像高四十三尺用赤金十萬斤黃金六百斤又構三級石佛圖高十丈棟樑楣檻上下重結大小皆石鎖固巧密爲京華壯觀延興元年顯祖獻文禪位於太子僧蓋一名宏即孝文也年五歲聰聖玄覽窮神知幾既初踐位顯祖移御北苑崇光宮統習玄籍建鹿野佛圖於苑中之西山去崇光右十里巖房禪室禪僧居之

承明元年顯祖太上皇崩造建明寺余後建福度僧立寺非一

太和十六年下詔每年四月八日七月十五

日聽大州一百人爲僧尼中州五十人下州二十人著令以爲常唯

太和十九年帝幸徐州白塔寺顧諸王侍臣曰此寺近有名僧嵩法師者受成實論於羅什後授淵法師淵又授登紀二法師朕每覩成實可以釋人深情故至此寺道登雅有義

業高祖眷賞恒侍講論於禁內及卒帝悼惜施帛千疋設一切僧齋京城七日行道下詔曰朕師登法師奄至殂背痛怛摧慟不能已已比藥治慎喪未容即赴便唯師義哭諸門外緇素榮之

西域沙門跋陀者有深道業帝所敬重詔於

典二

十

少室山陰立少林寺以居之公給衣供

二十一年五月詔曰羅什法師可謂神出五才志入四行者也今常住寺獨有遺蹤欽悅

修迹情深遐迹可於舊堂所爲建三級佛圖

又見逼昏虐爲道殄軀旣暫同俗禮應有子

胤可推訪以聞當加叙接先是立監福曹又

改爲昭玄備有官屬以斷僧務即如今同文

寺崇玄署是也高祖時知名沙門有道順慧覺僧意慧紀僧範道辯慧度智誕僧顯僧義

僧利並以義行重焉

有魏孝文聖天子也五歲受禪十歲服冕太和十八年遷都於洛二十年改姓爲元氏文

章百篇冠絕終古初登詔誥假手有司太和已後並自運筆前後諸帝不能及之如僧行篇所下詔也

世宗即位下詔曰緇素旣殊法律亦異故道教彰於互顯禁勸各有所宜其僧犯殺人已上罪者依俗格斷餘犯悉付昭玄以內律僧

制判之熙平元年詔遣沙門慧生使西域采經律涉七載正光三年冬還所獲經論一百七十部

景明初世宗詔大長秋卿准代京靈巖寺石窟於洛南伊闕山爲

高祖文昭皇太后營石窟二所去地三百一

典二

十一

十尺後以斬山太高費功難就奏移就下平去地一百尺南北一百四十八永平中爲世宗造石窟三所從景明元年至正光四年二十四載方成用工八十萬二千三百六十六

肅宗熙平中於城內起永寧寺靈太后親率百僚表基立刹塔有九層高四十餘丈費用

不可勝計景明寺塔亦其亞也余後官私寺塔其數甚衆

神龜元年司空尚書令任城王澄奏寺塔漸多妨民居事略云如來闡教多約山林今此僧徒戀眷城市豈湫隘是經行所宜浮誼是栖禪之地當由利引其心莫能自止且住者既失其真造者或損其福乃釋氏之糟糠法門之社鼠內戒所不容王典所宜弃矣奏可未幾天下喪亂加以河陰之禍朝士死者復捨其家爲寺禁令不復行焉

興和二年詔以鄴城舊宮爲天平寺世宗已來至武定末沙門知名者有慧猛慧辯慧深

僧暹道欽僧獻道晞僧深慧光慧顥法榮道長並見重道俗自魏有天下至於禪讓佛經流通大集中國凡四百一十五部合一千九百一十九卷正光已後天下多虞王役尤甚於是所在編戶相從入道假慕沙門實避調役猥濫之極自中國有佛法未之有也略計

僧尼二百餘萬其寺三萬有餘流弊不歸一至於此識者所以太息矣

道家之源出於老子其自言也先天地生以資萬類上處玉京爲神王之宗下在紫微爲飛仙之主千變萬化有德不德隨感應物厥迹無常授軒轅於峨眉教帝嚳於牧德大禹聞長生之術尹喜受道德之旨至於丹書紫字昇玄飛步之經玉石金光妙有靈洞之說不可勝紀其爲教也咸蠲去邪累澡雪心神積行樹功累德增善乃至白日昇天長生世上是以秦皇漢武甘心不息勞心竭事所在追求終莫之致退恨於後故有梁大徐氏之

典二

十二

誅然其道惑於人効學非一靈帝置華蓋於灌龍設壇場而爲禮及張陵受道於鵠鳴因傳天宮章本千有二百弟子相授其事大行齋祀跪拜各有成法於是三元九府百二十官一切諸神咸所統攝又稱劫數頗竊佛經及其劫終稱天地俱壞其書多有禁秘非其

徒不得輒觀至於化金銷五行符勑水奇方
妙術萬等千條上云羽化飛天次稱消災滅
禍故好異者往往而尊事之初文帝入賓於
晉從者云登仙伊闢太祖好老子之言誦詠
不倦天興中儀曹郎董謐上服食仙經數十
篇乃置仙人博士立仙坊煮練百藥封西山
以供其薪蒸令死罪者服之多死無驗太祖
猶特修焉太醫周澹苦其煎採之役欲廢其
事陰令妻貨仙人博士張曜妾得曜隱罪曜
懼死因請自辟穀太祖許之給曜資用爲造
靜堂於苑中給酒掃民二家而練藥之官乃
爲不息久之太祖意之少懈乃止

廿祖時道士寇謙之字輔真南雍州刺史讚
之弟早好仙道修張魯之術服食餌藥歷年
無効有仙人成公興傭作謙家後謙之筭七
曜悵然不了興曰何爲不釋謙之曰我學筭
累年近筭周髀不合興令依言布之俄尔便
決謙嘆服欲師事興固辭求爲謙之弟子未

典二

十三

幾與入華山居石室興採藥與謙服不復飢
又共入嵩高山石室曰當有人將藥來得但
食莫疑尋有人將藥至皆是毒虫臭物謙之
懼走興還具問便嘆息曰先生未仙正可爲
帝王師耳興事謙七年便曰不得久留明中
應去至期果卒見兩童子一持法服一持錫
杖及鉢至興屍所興歎然而起著衣持鉢執
杖而去

謙之守志嵩岳以神瑞二年十月遇大神乘
雲駕龍導從百靈集於山頂稱太上老君謂
謙之曰自天師張陵去世已來地上曠職上
谷冠謙之文身直理吾故教授汝天師之位
賜汝雲中新科二十卷自開闢已來不傳於
世汝宣吾新科清整道教除去三張僞法租
米錢稅及男女合氣之術大道清虛寧有斯
事專以禮度爲首加之以服食閉練使玉女
九疑十二人授謙導引口訣遂得辟穀氣盛
顏色鮮麗弟子十餘人皆得其術

泰常八年十月有牧土上師李普文來嵩岳

云老君之玄孫也昔居代郡桑乾漢武帝時得道爲牧土宮主領治三十六土人鬼之政地方十八萬里其中爲方萬里者有三百六十方遣弟子云嵩岳所統廣漢方萬里以授謙之作誥云云

錄圖六十卷真經付汝輔佐北方泰平真君出天宮靜輪之法能興造克就則超登真仙矣又云地上生民末劫垂及行教甚難男女立壇宇朝夕禮拜云云

又云二儀之間有三十六天天別三十六宮宮有一主其赤松王喬韓終張安世劉根張

陵近世仙者並爲翼從命謙之與羣仙爲友又云佛者昔於西胡得道在三十二天爲延真宮主勇猛苦教故其弟子皆髡形染衣斷絕人道天上衣服悉然

始光年中初奉其書獻之世祖乃令謙之止於張曜辟穀之所供其食物朝野聞之若存

若亡未全信也

崔浩獨異其言因師事之受其法術上疏贊明其事曰臣聞聖王受命則有天應而河洛圖書寄言於虫獸之文未若今日人神接對手筆粲然辭旨深妙自古無此昔漢高英聖四皓猶或耻之不爲屈節今清德隱仙不召

自至斯誠陛下侔蹠軒黃應天之符也豈可以世俗常談而忽上靈之命臣竊懼之世祖欣然時年九歲乃使謁者奉玉帛牲牢祭嵩岳迎致其餘弟子在山中者於是崇奉天師立道壇顯揚新法布告天下道業大行浩事天師甚謹拜禮人或譏之

于時中岳道士三十餘人至起天師道場京之東南重壇五層依新經制度給道士百二十人衣食齋肅祈請六時月設廚會數千人謙之奏曰陛下以真君御世建靜輪天宮開古未有應登受符書以彰聖德世祖從之至道壇受符籙備法駕旗幟盡青以從道家之

色也自後諸帝即位皆如之

恭宗見謙之奏造靜輪天宮必令高不聞雞犬聲與上天神交接功役方計經年不成乃言於世祖曰人天道殊卑高定分今謙之欲要以無成之期說不然之事財力費損百姓疲勞無乃不可乎必如其言未若因東山方

典二

十五

仞之崖爲功差易帝深然之但爲崔浩贊成難違其意沉吟久之曰吾亦知其無成事既爾何惜五三百工真君九年謙之卒葬以道士之禮諸弟子以爲屍解變化而去靜輪天宮竟不成便止

時京兆韋文秀隱中岳世祖徵問方士金丹事

對曰神通幽昧變化難測可以闇遇難以預期臣昔受於先師未之爲也世祖重其豪族溫雅遣與尚書崔疇詣王屋山合丹竟不成時方士至者前後數十人曆出名行河東祁纖好相人世祖賢之拜纖上大夫頻陽絳略聞喜吳劭導引養精年百餘歲神

氣不衰恒農閭平仙博覽百家不能達意然辭對可錄帝授官固辭

扶風魯祈遭赫連唐避地寒山教授數百人好方術少嗜慾

河東羅崇之餌松脂不食五穀云受道中修山有穴道崑崙蓬萊得見仙人往來帝令還鄉立壇祈請詔河東給所須崇入穴百步遂窮召還有司以誣罔不道奏罪之世祖赦之以開待賢之意

東萊王道翼隱韓信山四十餘年斷粟食麥通經章符錄不交時俗顯祖令青州刺史召赴都仍守本操遂令僧曹給衣食終身

太和十五年詔曰夫至道無形虛寂爲主自有漢已後置立壇祠先朝以其至順可歸爲立寺宇昔京城之內居舍尚希今者里宅櫛比人神猥湊非所以祗崇至法清敬神道可移於都南桑乾之陰岳山之陽永置其所給戶主十以供齋祀之用仍名爲崇虛寺可召

諸州隱士圓滿九十八人遷洛移鄰踵如故事其道壇在南郊方二百步以正月七日七月七日十月五日壇主道士高人一百六十人以行拜祠之禮

諸道士罕能精至又無才術可高武定六年有司報罷之河東張遠遊河間趙靜通等

典二

十六

齊文襄王別置館京師重其道術而禮接焉余檢天師寇謙之叙陳太上老君所言同夫蓬萊之居海下崑崙之飛浮天上也

又云三十六土方里爲方三百六十等何異張角之三十六方乎案後漢皇甫嵩傳云鉅鹿角自稱大賢郎師奉事黃老行張陵之術

用符水呪法以治百病遣弟子八人使於四方行化道法轉相誑惑十餘年間衆數十萬自青徐幽冀荆揚兗豫八州之民莫不必應遂置三十六方方猶將軍之号也大方万餘人小方六千人訛言蒼天死黃天當立歲在甲子天下大吉以白土書京邑寺門作甲子

字中平元年三月五日內外俱起皆著道士黃服戴黃巾或殺人祠天于時賊徒數十萬衆初起潁川作亂天下並爲皇甫嵩討滅餘潛不滅今猶服之

齊書述佛志第九

隋著作王劭

劭曰釋氏非管窺所及率僉妄言之又引列禦寇書述商太宰問孔子聖人事又黃帝夢遊華胥氏之國華胥氏之國在佛神遊而已此之所言髡髮於佛石符姚世經譯遂廣蓋欲柔伏人心故多寓言以方便不知是何神怪浩蕩之甚乎其說人身心善惡出事因緣

典二

十七

以慈悲喜捨常樂我淨書辯至精明如日月非正覺孰能證之凡在黔首莫不歸命達人則慎其身口修其慧定平等解脫究竟菩提及僻者爲之不能通理徒務費竭財力功利煩濁猶六經皆有所失未之深也已矣

廣弘明集卷第二

勿上許
反開關下
亦反髮形上
音坤髮也
粲然上
反明也
四

皓丁胡侔莫浮反
道反侔齊也

牲牢生勞二音
祭畜也

比謂上阻風友下頗必反
人家密如撓齒也

本操反志下七
到市黑閣

旗幟試播音
也

崔蹟丁胡助反
隔反助也

鉅鹿巨上音無
渠移反

本操反志下七
到市黑閣

猥湊反宜用限烏
以歲反訛言上
並州名也

櫛

和反禦寇上音
謬也

華胥徐反寓言
上音寄也

黑首民也僻及
偏一也

黔首遇也

廣弘明集卷第一

典二

廣弘明集卷第三

典三

唐終南山釋氏

歸正篇第一之三
遂古篇
歸心篇

梁侍中江淹
北齊光祿顏之推

梁處士阮孝緒

章

遂古篇第十 梁侍中江淹
僕嘗爲造化篇以學古制今觸類而廣之復
有此文兼象天問以遊思云尔

聞之遂古大火然芳水亦溟涬無涯邊芳女
媧練石補蒼天芳共工所觸不周山芳河洛
交戰寧深淵芳黃炎共鬪涿鹿川芳女妭九

子爲氏先芳蟲尤鑄兵幾千年芳十日並出
堯之間芳羿迺斃日事豈然芳常蛾奔月誰
所傳芳豐隆騎雲爲靈仙芳夏開乘龍何因
緣芳傳說託星安得宣芳夸父鄧林義亦艱
芳尋木千里烏易論芳穆王周流往復旋芳
河宗王母可與言芳青鳥所解路誠亶芳五

色玉石出西偏芳崑崙之墟海此間芳去彼
宗周萬二千芳山經古書亂編篇芳郭釋有
兩未精堅芳上有剛氣道家言芳日月五星
皆虛懸芳倒景去地出雲煙芳九地之下如
有天芳土伯九約寧若先芳西方蓐收司金
門芳北極禹強爲常存芳帝之二女遊湘沅